



RELATÓRIU TRIMESTRÁL FUNDU MINA-RAI NIA

Trimestre ne'ebé termina iha 30 Juñu 2014

KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Tolu nulu resin neen ba trimestre ne'ebé termina iha loron 30 Juñu 2014. Relatoriu ne'e hatudu katak kapitál Fundu nian iha fim trimestre ne'e sa'e ba billaun \$16,6 kompara ho billaun \$15,7 iha fim trimestre dahuluk.

Relatóriu ne'e mós hatudu katak totál reseitas mak simu hamutuk millaun \$1.084,95 ne'ebé kompostu housi kontribuisaun kontribuente sira ba Fundu hamutuk millaun \$415,02, pagamentu *royalty* simu housi Autoridade Nasionál Petróleu (ANP) millaun \$669,93 iha loron 30 Juñu 2014.

Rendimentu housi investimentu Fundu nian ne'e hamutuk millaun \$431,05 kompostu housi, kupaun no jurus ne'ebé simu mak millaun \$119,45 no mudansa iha valór merkadu nian millaun \$311,60 iha loron 30 Juñu 2014. Ne'e rezulta rendimentu ba karteira Fundu nian durante trimestre ne'e porsentu 2,66, enkuantu rendimentu sasukat (*benchmark*) nian ba periodu ne'e mak porsentu 2,73.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Haktuir ba desizaun Ministra Finansas atu aumenta investimentu iha asoens, gestores esternu ba mandatu asoens nian konsege hasa'e exposaun iha asoens no atinji ona porsentu 40 iha fulan Juñu 2014.

Banco Central de Timor-Leste jere ona portofoliu besik liu ho pontu referensia iha trimestre dala Tolu Nulu resin Neen dahuluk. Diferensia entre portofoliu no pontu referensia hahú housi inísiu fundus nian mak pontu baze 0 (0,00%).

Pontu importante housi Relatóriu Trimestre ba dala XXXVI, ne'ebé kobre período 01 Marsu 2014 to'o 30 Juñu 2014, inklui:

- Kapitál Fundus nian aumenta housi billaun US\$15,7 ba billaun US\$ 16,6
- Osan kontadu brutu fundus nian tama housi kontribuisaun kontribuente, realeza (*royalties*) hamutuk millaun US\$541,3
- Osan kontadu liquidu nebe sai housi Fundu durante trimestre ne'e hodi kobre kustu ba jestaun external no internal nian hamutuk millaun US\$3,87.
- Reseitas likidus durante trimestre ne'e hamutuk millaun US\$537,43.
- Rendimentu portofoliu iha periodu ne'e mak porsentu 2,66 kompara ho rendimentu referensia mak porsentu 2,73.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste nian www.bancocentral.tl

Venancio Alves Maria

Diretór Ezekutivu

Jestaun Fundus Petróleu

Banco Central de Timor-Leste

Ba informasaun adisionál bele hetan housi korreiu-eletróniku venancio.maria@bancocentral.tl

Telefone: + (670) 3313718

Dili, 8 Agostu 2014

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)